

Universitätsbibliothek Paderborn

**Horologivm Sacerdotale Sacerdotibus tam Ecclesiasticis,
quàm Religiosis, præsertim Neomystis Ordinem diei, &
praxes indicans Opera quotidiana exactè, sanctéque
obeundi**

Dirckinck, Johann

Coloniæ, 1690

III. Consideratio & Affectus de Immutabilitate Dei. Feria III.

[urn:nbn:de:hbz:466:1-50863](#)

III. Consideratio & Affectus de
Immutabilitate Dei.

F E R I A III:

O Deus immutabilis ! Tu *initio terram fundasti*, & opera manuum tuarum sunt cœli : ipsi peribunt, tu autem permanens, & omnes sicut vestimentum veterescunt, & sicut operorium mutabis eos & mutabuntur ; tu autem idem ipse es & annus non deficient. Psalm. 101. Omnia verò creata cœlum & terra, mare & omnia quæ in eis sunt, mutationibus obnoscunt : homo præsertim, qui nunquam in eodem statu permanet, sed omni anno, mense, die, horâ, momento mutatur & mutat, consilia, decreta, desideria, amores, & mores. O instabilitas mortalium ! O mutabilitas & vanitas rerum omnium ! Sed tu Domine Deus meus, semper idem ipse es, ab æterno in æternum, immutabilis in natura ; invariabilis in attributis : omnis cogitatio, omne consilium, omnis voluntas, amor, odium, complacentia, displicentia, gaudium, felicitas, quæ modò in te sunt, ab æterno quoque fuerunt, ac in æternum erunt, absque ullâ

P 4

varia-

variatione, accessione vel imminutione.
Quàm verè igitur per Prophetam dicit:
Ego Dominus, & non mutor. Malach. 3.

II. Respice, Anima mea, augustissimum Sacramentum, & invenies in eo hunc Dominum Deum tuum immutabilem. **Hic quemadmodum mundum & cœlos creat, genus humanum daret, peccatores punit, & non mutatur naturam humanam assumit, dictissima patitur, in cruce moritur, & non mutatur ita quoque è cœlo descendit, sub speciebus panis & vini existit, ab hæreticis contemnitur, à Judæis & Gentilibus blasphematur, à fidelibus justis & injustis sumitur, non consumitur, non mutatur; sed in simplicissima identitate, & primævo statu, super omnia semper perseverat.** Credo Domine & obstupesco.

III. O Numen immutabile sub sacro specierum involucro latens! quâm gaudeo de hac stabilitate tua, cui nihil addi, nihil demiri potest: tu enim es unicum refugium & asylum meum, ad quod instabilis ego & omni momento variabilis homo pro firmitate & perseverantia in

bono

bono recurrere valeo. Accedo igitur ad te in hostia sancta absconditum, per-
tique suppliciter, ut instabilitatem meam
stabilitas, & mutabilitatem meam, quo-
dammodo immutabilem reddas. O quo-
ties ab Exhomologesi, aut Synaxi sacra,
aut animi renovatione, meliora propo-
no; & paulo post in vanitates & intempe-
tias pristinas relabor. Confirmata me
Domine in hac hora, in omni bono; ut
nunquam deinceps instar stulti varier, aut
velut luna muter; sed sicut sol in conspe-
ctu tuo absque ecclipsi constanter reful-
geam, ut in gratia tua usque ad finem per-
severans in perpetuas æternitates te de-
predicem. Amen.

IV. Consideratio & Affectus de
Æternitate Dei.

F E R I A IV.

I. *Diles mei sicut umbra declinaverunt,*
& ego sicut fænum arni: tu autem
Domine, in æternum permanes. Psal. 107.
Etenim ipse æternitas tua, quæ est inter-
minabilis virtus tota simul & perfecta pos-
sessio: quis ad te non anhelet? Tu fons es
omnium bonorum inexhaustus, æternum-

P 5

fluens